

Landesbibliothek Oldenburg

Digitalisierung von Drucken

**Catalogus Bibliothecae Ern. Gotthelf Beckeri, Sereniss.
Principis Electoris Saxon. A Consiliis Aulicis Et In Concilio
Sanctiori Referendarii, Auctione Publica, Parata Pecunia
Vendendae**

Becker, Ernst Gotthelf

Dresdae, 1773

VD18 10547401

Lecturis

[urn:nbn:de:gbv:45:1-627001](https://nbn-resolving.org/urn:nbn:de:gbv:45:1-627001)



LECTURIS

S.

Non opus est multis efferre laudibus, cujus Catalogum sistimus, Bibliothecam, quippe quae ipsa, ut speramus, satis sese probatura est harum rerum intelligentibus. Non inutile tamen, nec ab hoc instituto & loco alienum putamus, praecipuas ejus dotes, vel eorum gratia, quibus totum perlustrare Catalogum non vacat, paucis commemorasse. Erat animus b. possessori bibliothecam habere talem, quae non quidem nimio ambitu & copia librorum

) 2

ex



ex omni scientiarum genere petita conspicua esset; sed quae potissimum studiis ipsius prae aliis adamatis inserviret. Delectabatur autem praecipue lectione & usu auctorum illorum veterum Graecorum & Latinorum, qui fontes omnis eruditionis humanae jure quodam suo habentur.

Praeter hos maxime historiae literariae & antiquitatis eruditae amor & studium adeo ejus animum occupaverant, ut nihil non, quod huc pertineret, nosse, nihil non, quod extare nosset & vel quovis pretio parari posset, ipse possidere gestiret. Huic laudabili ardori, huic indefesso colligendi studio suam debuit originem & incrementa Bibliotheca Beckeriana, quae, cum nunc tristem, ac
commu-



communem fere, bibliothecarum privatarum sortem experiri debeat, in Catalogo ejus ordinando & conficiendo, id potissimum negotii nobis incumbere putavimus curaeque habuimus, ut inde de dignitate & insigni praestantia hujus collectionis rite judicari posset.

Agmen ducunt auctores veteres Graeci & Latini cum suis interpretibus & commentatoribus, quorum, sive numerum spectes, sunt enim omnino 1284. justa volumina, sive editionum praestantiam & externum cultum, insignem adesse talium librorum apparatus, cuivis patebit. Inter has, praeter nonnullas memorabiles Seculi XV. editiones, Juntinas item & Stephanianas quamplurimas, eminent praesertim Aldinae multo



studio a b. possessore congestae. Adsunt enim Graecarum in omni forma 76. Latinarum 53. Et in his quidem munditiae & splendoris adeo studiosus erat, ut saepe unius ejusdemque editionis bina vel tria exempla conquireret, ex iisque unum fieri juberet sine omni naevo aut macula, quod suae Bibliothecae insereret. Exinde pleraeque miritioris sunt.

Recentiorum vero auctorum veterum editionum, nulla fere alicujus momenti, quae quidem ante nuperum fatale bellum prodiiisset, in hoc catalogo desiderabitur.

Hos excipiunt Historiae litterariae cum universalis tum particularis scriptores,



res, & hi quidem tanto numero & delectu, ut nihil propemodum deesse videatur, quod ullo tempore aut loco scriptum de tali argumento extat.

Nec minus locupletem & plenum, qui nunc sequitur in hoc catalogo, apparatus epistolographorum, Latinorum praesertim, reperies, quibus, ut inter omnes constat egregie illustratur omnis literarum & literatorum historia, quibusque legendis adeo delectabatur b. possessor, ut ex ore ipsius aliquando audiisse meminerim, se istos epistolographos ad unum omnes non perlegisse solum, sed excerpta quoque inde literaria, in aliquot volumina relata sibi confecisse, quae malo quodam fato, durante nupero bello, sibi ablata esse, saepius dolebat. Et dolendum



dum sane eo magis est ista periisse aut in manus imperitas incidisse, quo melius perspiciebat ille, quid in hoc literarum genere rarum, exquisitum nec ubivis obvium esset.

De sequentibus Oratorum, Poëtarum recentiorum, Philologorum, Criticorum, Classibus, quamquam egregio quoque apparatu instructas esse quivis intelliget, dicere nihil attinet.

Sed prae ceteris lucupletem & excellentem, tam magnis & splendidis operibus, quam minoribus libellis reperienti lectores Classsem VII. quae continet Scriptores antiquitatum & rei numismaticae, de qua quidem re multa hic praedicare si vellemus, injuriam facere iudicio lectorum nobis videremur.

Nec



Nec desunt in reliquis & extremis hujus catalogi classibus, licet non adeo magna copia referis, quamplurimi praestantes & rariores libri, de quibus mone- re harum rerum peritos & judices compe- tentes, superfluum esset.

Unum idque proprium fere huic Bi- bliothecae decus & ornamentum prae- eundum prorsus silentio non est, nimirum insignis iste & immenso studio congestus apparatus Commentariorum minutorum, Dissertationum, Prolusionum, Schedia- smatum &c. quae in certos relata fascicu- los, suo quaeque loco, in hoc catalogo indicantur. Horum singulorum tituli, in tanta ipsorum copia, & ob metum, ne in nimiam accresceret molem catalogus, ex- hiberi haud potuerunt. Raritatis notas ad-

X 5 dere



dere libris, quamvis facillimo negotio fieri potuisset, nec frequens ejus occasio defuisset, non libuit, dum certum est his facile carituros rerum peritos; imperitis vero formulis istis solemnibus: liber rarus, rarissimus, raritatis immensae, stupendae &c. parum consultum fore.

Ceterum omnes hi libri, uti per se & ab interno valore editionumque praestantia; ita non minus, quoad maximam partem, a nitore exemplorum & cultu externo, sese commendabunt.

Exteris, qui non habent in hac urbe, quibus mandent negotium librorum emendatorum, operam suam offerunt, sola amicitia erga b. possessorem & gentem Beckerianam ducti: V.S.R. Dn. M. JOH.

GOTT-



GOTTFRIED STRAUSSIIUS, Con-
cionator aulicus, V. C. Dn. JOH. FRI-
DER. WACKERUS, Musei rerum an-
tiquariarum Dresdensis Inspector, & Dn.
GEORG. CONRAD WALTHERUS,
Sereniss. Elector. a consiliis commercio-
rum & Bibliopola aulicus, spondentque
se diligentia & fide omnibus, quoad fie-
ri possit, satisfacturos.

Pecunia pro libris in hac auctione ac-
quisitis solvenda pro valore in Saxonia
Electoralis ipsi legibus constituto accipie-
tur, scil. in vollwichtigen Louisd'or à 5
Thlr. in vollwichtigen Ducaten à 2 Thlr.
20 Gr. sive in moneta argentea apud nos
usitata, in Conventions-Silbergelde.

Restat unum adhuc idque emtorum
caussa monendum, ut non paginam tan-
tum

tum



tum Catalogi & numerum librorum emen-
dorum accurate designent, sed ad mini-
mum primum cujusque libri tituli verbum
adscribant, ne forsan errandi nascatur
occafio. Dresdae, d. XXV. Novembr.
An. CIOICCLXXIII.



Conspectus



CONSPECTUS CLASSIUM BIBLIOTHECAE BECKERIANAE.

CLASSIS I.

Auctores veteres Graeci & Latini.

SECT. I. Auctores Graeci, pag. 1 - 71.

- 1) Grammatici & Lexicographi, in fol. p. 1.
in 4. p. 16. in 8. & 12. pag. 37.
- 2) Rhetores, Oratores & Epistolographi, in
fol. p. 2. in 4. p. 18. in 8. & 12. p. 38.
- 3) Poëtae, in fol. p. 4. in 4. p. 20. in 8. &
12. p. 42.
- 4) Geographi & Historici in fol. p. 5. in 4.
p. 25. in 8. & 12. p. 52.
- 5) Philosophi, Physici, Medici, Mathema-
tici & Astronomi, in fol. p. 9. in 4. p. 28.
in 8. & 12. p. 56.

SECT. II. Auctores Latini, pag. 71 - 110.

- 1) Grammatici & Lexicographi, in fol. p. 71.
in 4. p. 77. in 8. & 12. p. 90.
- 2) Rhetores, Oratores & Epistolographi, in
fol. p. 72. in 4. p. 78. in 8. & 12. p. 92.
- 3) Poëtae, in fol. p. 73. in 4. p. 79. in 8. &
12. p. 94.
- 4) Geographi & Historici, in fol. p. 75. in
4. p. 85. in 8. & 12. p. 103.

5) Phi-